

AUSPICE DEO,
EXERCITIUM ACADEMICUM,
THEOREMATA
TRIA MISCELLANEA
EXHIBENS;

Indulgu Ampliss. Ordinis Philosophici,

In splendido Finnonum Albenaeo,

Sub

DIRECTIONE

Viri Celeberrimi

M. DAVIDIS EBORDI
POESEOS PROFESS. REG. ET ORD.

Liberalis publicig. speciminiis gratia,
placido bonorum examini
modeste delatum


ab


ERICO TAMMELINO
G. F. Nyland.

Ad d. 7. Calend. Maii Anno à corporato
Verbo Dei M. DC. XCI.

In Acroaterio superiori, horis
solemnibus.

ABOE, Exc. apud JOR. WALLIUM.





LECTORI Candido Salutem!

Tantum via consuetudinis & inven-
tus scribens studium effect,
ut etiam ego B. L. primicias in-
genii mei exiles, tibi fistere,
atque tot concinnis, politis sub-
iectisque exercitiis, que indies in lucem edie
Lycaum nostrum Aboense, inserere sustineam.
Intervim videar mihi non effugere posse me eos,
qui argumenta Theorematum discutiendorum,
ad que, ut ingenue faceret, casu delatus
sum, jejuna & supervacanea censemunt, ope-
remque fructuosis, cuiquam altioris inda-
ginis materia impendi potuisse. Verum si
zem attentius estimare velint, aliud eos in-
venituros, & Discursui nostro suam constare
ueritatem, sponte professuros confido; pau-
cis quippe libanda proponit ea, quibus Arches
cyclopicō furore correpti, si divinū testimonias
venuant, efficaciter convinci & retundi pos-
sunt; præterea adducit nonnulla, que pro-
fundam sa iunt antiquitatem, quorum me-
ditatio insignem cunctis parit voluptatem
& gratiam, quis enim in earum rerum co-
gnitionem, que à memoria bominum remo-
rifico

vissima sunt, penetrare non desiderat, & quid
in recessu contingat inquirere satagit, immo
inquirere debet, quicquid solidam, robustam
& exaltam, non superficieriam doctrinam
venatur. Proinde nibil moror male erudi-
torum querendam judicia, qui animas sa-
pientum, more Pythagorico in se transsusas
existimantes, aliorum summo zelo denigrant
& sagittant labores, nam soli sibi sapere vi-
dentur, ut necesse sit a superis Vulcanum ex-
poscere, qui cerebrum illorum turgidum &
velut prægnans absolute sapientia bipenne
aperiat, ut armata illa Pallas crumpere possit
ac profiliat, Lingua vero cercam effigiem,
Charicium Numini immolare, ut ex debilitate-
rands, & in bonos debacchandi fero isto &
immani more ad humanitatem exulte & mi-
tigari esse tandem appareant, a qua tamen
alias sunt remotissimi & alienissimi. Te aus-
tem benigne LECTOR, cujus perspicacioribus oculis
hic opus minus satifaciens, mea me con-
vincit tenuitas, rogo atque obtestor, ut illam
ipsam, favoris cui jubare illustrare & equis
censuris climare digneris, Ego vicissim res &
conatus tuos, in meliorem interpretari par-
tem, & sinceri animi cui candorem, debitum
decantare elogium nunquam desistam. Vale.

IN NOME S. S. TRINITATIS!

THEOREMA PRIMUM,

De

ΣΩΓΝΩΣΤΑ GENTILIU.M.

num esse DEUM, Conditorem & Rectorem Amphitheatri hujus amplissimi, clare satis passim docent sacræ pandectæ & unanimi consensu constanter profitentur omnes Christiani, divinæ veritatis jubare illustrati; Imo etiam Gentiles emunctioris naris, quamvis Mosaicæ & Christianæ doctrinæ expertes, unum esse sacrum & venerabile Numen qvod omnia à se condita suo moderetur arbitrio olim professi sunt, qvod constat ē monumentis scriptorum tam antiquiorum quam recentiorum. Ex ampla autem testium sylva, unum duntaxat producam Lactantium qui Lib. de ira DEI c. 9. de Pythagora vetustissi-

A

mo

mo Philosopho Italicae Sectæ Principe
 hæcce protert verba: Pythagoras unum
 DEum confiterur, dicens inscorporalem esse
 mentem; qvod ipsum cuivis vel exinde
 certum evadere potest, qvod DEum
 appellaverit *Movada* sive unitatem. Præ-
 terea ut res fiat clarior & nostra Sen-
 tentia ipsa gentilium comprobetur con-
 fessione, omissis cæteris ipsum audia-
 mus Senecam qvi Lib. 4. de benefici-
 is Cap. 7. ita differit: *Q*uoties voles, sibi
 licet aliter, hunc auctorem rerum no-
 strarum compellare. *T*ot appellantones ejus
 esse possunt, quæ munera. Hunc & Liberum
 patrem, & Herculem, ac Mercurium nostri
 putant. Si hunc naturam vocas, fatum, for-
 tunam: Omnia ejusdem DEI nomina sunt,
 varie utentis sua potestate. Hinc est qvod
 etiam Gentium Apostolus Act: 17: 28.29.
 Arati alleget verba, haud obscure in-
 nuens ejus nos esse numinis progeni-
 em sive genus, qvod Poeta cum gen-
 tibus sanioribus per Jovem intellexit.
 Qvamvis enim pagani lumine gratiæ
 destituti fuerint, unum tamen esse ve-
 rum

rum DEum cognoverunt, partim traditione perpetua, nam quæ primitus è revelatione divina de DEo hominibus constabant, posteris eorum, quos Deus alloquio suo non dignabatur, quasi per manus tradebantur; partim quoq; lumine naturæ: ecquis enim non perspicere potest, Macrocosmi splendidissimi structuram, expansi amplitudinem, astrorum ambages, rerumq; omnium quæ Cœlo, Terra, ac Mari apparent, admirandam copiam & stupendam harmoniam, agnoscere creatorem, sustentatorem ac gubernatorem. Quapropter Basilius mundum nuncupat τὸν ψυχῶν λογικῶν διδασκαλεῖον, οὐ τὸν θεογνωτικὸν. Sed de θεογνωσίᾳ naturali, cum insita seu subjectiva consistente in nouis cronicis, quæ ex habitu Divinitatis vel sapientiae concreatæ superstites hominibus insunt, tum acquisita quæ per triplicem viam nempe Negationis Causalitatis & Eminentia instituitur, fuse agunt Pneumatici; de cuius indole impræsentiarum accurate dis-

qvirere non est nostri instituti; afferimus tantum gentes beneficio ejusdem,
DEI propriam rationem ejusq; attributa quodammodo apprehendisse, non tamen
salutariter cognovisse. Atque sic patet
heic intelligi cognitionem non quidditativam sed quidditatis, non perfectam sed
imperfectam, non absolutam sed determinataam, restrictam seu aliqualem, non compre-
hensivam sed apprehensivam. Nam con-
ceptu quidditativo & Comprehensivo, DE-
us est ἀκαλάληπτός, ἄγνωστός, ἄρρητός
καὶ ἄφρος. Imo quamvis Aristote-
les vocaverit DEum ἄιδιον, Lib. 12. Met.
c. 7. Anaxagoras Νῦν κοσμοῖ, Plato
δημιουργὸν τὸν ἀπόλυτον, & Aristoteles scri-
psserit lib. 2. De Cœlo, εἴς δὲ ἐνέργεια α-
ιδεασία, τὸν δὲ ζωὴν ἄιδιος, atq; Epicte-
tus præclare fatis: Οὐ θεὸς τὸν ἄνθρωπον
εἰσῆγειν εἰς τὸν κόσμον θεατὴν μήτε περὶ
τῶν ἔργων αἴτως, καὶ μόνον θεατὴς, ἀλλα καὶ
ἐξηγητὴς αἴτως: nihilominus necessarium
habuerunt ipsi etiam pagani profite-
ri, exactam DEI notitiam & genuinum
eius cultum eos latuisse unde ἄγνωστον
ipsum

5

ipsum vocarunt; Cujus rei evidens est
documentum ara Athenis DEo igno-
to dicata: de qua divus Apostolus Act.
17: 23, ita fatur: *Præteriens & videns se-
mulacra vestra, vidi & aram in qua scri-
ptum erat, IGNOTO DEO.* Qvod ergo i-
gnorantes colitis, hoc ego annuncio vo-
bis. Qvibus verbis Paulus aperte
pronunciat Athenienses, inscios li-
cet, illud coluisse numen quod ipse es-
set annunciaturus ut deinceps agno-
scerent. Tota igitur res hic redit,
gentiles erectioris indolis ~~unum~~
DEum omnino cognovisse, qvamvis
non quantum par erat, ex parte tamen,
plenus agnitiuri nisi veritatem obviam
id est DEum in operibus loquentem
rejecissent.

THEOREMA SECUNDUM, *De*

CORNIBUS MOSIS.
Divinus Moses, legislator ille maxi-
mus, à sculptoribus & pictoribus
duobus cornibus ē capite prominentis
A3 bu

bus passim repræsentatur, quod quoties
 vident judæi, Christianos rident inter-
 rogantes: num Diabolum vel monstrum
 eum fuisse credant, dignum proinde
 videtur ut disqviratur qvo jure qvare
 injuria ita depingatur. Causam hic sub-
 esse qvivis colligere potest, qvid autem
 eo denotetur non æqve liqvet; hinc
 factum ut qvidam (quorum meminit
 Excellentiss. Drusius & ex eo Doct.
 Pfeifferus) eo dementiæ progressi sint,
 ut dicant uxorem ejus mœcham fuisse
 & eum propterea cornutum dictum;
 imo piget pudetq; referre etiamnum
 ejusdem furfuris inveniri homines qui
 ansam cavillandi hinc arripiunt. Qvibus
 hoc futile deliramentum non placet, fa-
 ciem à jejunis ita emaciatam fuisse, ut
 instar cornuum hinc inde prominaret
 nugantur. Sed viri cordati & eruditio-
 ne illustres, veram subolfacientes cau-
 sam ab ipsius facie radiis fulgente hoc
 ortum suum habere clare demonstrant.
 Postqvam enim cum DEO præsens e-
 gisset in monte Sinai, ubi mæjestatem di-

vinam cominus vidit & reverlus esset
 ad populum suum, accidit, ut tanta cla-
 ritudine facies ejus renideret, ne intueri cum
 populus valeret, dicente Sulpitio Servero
 Lib. I. bish. sacr. C. 33. Nata est autem opi-
 nio vulgi de cornibus Mosis ē male in-
 tellecto textu Originali, nam Exod. 34:
 29. seq. ubi hæc describitur historia legitur:
 קְרֹב עַוּר פָּנָיו Est autem ἡρ Karanā ἡρ Keren
 qvod vulgo cornu significat, unde vul-
 gata Versio habet: ignoravit quod cornuta
 esset facies sua. Pariter Aqvila κερατώδης ἦν.
 Sed quamvis קְרֹב Keren proprie signi-
 ficat cornu, tamen metaphorice etiam
 radius cornu similem, & inde deriva-
 ta vox קְרֹב Karan splendere, coruscare &
 radios instar cornuum vibrare denotat;
 ut accurate præter alios etiam obser-
 vat Beat. Doct. Terterus de re litera-
 ria optime meritus, in annotationibus
 suis in Exodus. Quem sensum recte
 exprimunt LXX. Interpretes: καὶ Μω-
 σῆς ἐκ ἥδη ὅπις δέδοξαται ἡ ὄψις τῆς χρωτὸς
 τῆς περιπότης αὐτῆς; h. e. nesciebat quod glo-
 rificatus erat aspectus cutis faciei, ejus.

Illam interpretationem etiam approbat
Divus Apostolus 2. Corinsh. 3: 7. ubi ex-
tat δόξα ἀρεστώπε. Imo ab absurdis , qvæ
ab altera sententia seqvuntur hoc pro-
bat Doct. Pheifferus: nam si cornutus
fuit Moses, qvare Israelitæ ipsum acce-
dere noluerunt ? num timuerunt ut
cornibus feriret ? Vel qvare obvelavit
faciem ? ne fortassis cornibus formida-
bilis , occurrentes terreret , aut ut op-
probrium tegeret, ut Midam aures a-
fininas occultasse fabulantur ? Id fane
est ἄλογον & ἀτρεγεδίονυσον. His ita præ-
libatis manifestum evadit, imperitum
vulgus , pictores, sculptores & qvic-
qvid est artificum, pro radiis in speci-
em Cornuum assurgentibus , vera
Cornua Mosi affinxisse, nescientes il-
lud qvod imitatur speciem discernere ab
eo, qvod revera tale est. De cætero
notandum quoq; in antiquitatibus gen-
tilium multa latere vestigia radiorum
cervicem Mosis cingentium; cuius rei
clarissimum est documentum , quod
Dii eorum non pauci cornuti finguntur
utpote præprimis Bacchus, qui ab Eu-

ripide & Orpheo vocatur οὐρῆνεπος &
περγες Φόρος. Horatius lib. 2. Carm. 9.
ubi Laudes recenseret Bacchi ita canit:

*Te vidi insens cerberus aureo
Cornu decorum.*

Qvod de historia Mosis ipsum mutuatum esse cuivis apparent. Imo multa alia apud eundem Poetam, & scriptores cæteros paganorum passim ocurrunt, quæ petita sunt ex actis Mosaicis, plurima tamen sunt nugis aucta, imo etiam detorta & sub fabularum involucris abscondita, qvod sua sagacitate explorarunt viri exquisitissimæ eruditionis & acutissimi ingenii, qui luculenter docent Bacchum aut fuisse imaginem Mosis ut vult Celeberrimus Bochartus Chan. Lib. 1. C. 18. Et Clariss. Kippinius in Antiquitatibus Roman. lib. 1. C. 2. n. 6. Aut ipsum fuisse Mosen & sub hoc nomine cultum à gentibus ut prolixè contendit Magnus ille Vossius Lib. 1. de Idol. C. 30. Et pariter Doctissimus Huetius, in Demonst. Evangelica, opere nunquam satis laudato, propos.

IV. Cap. 4. Ubi *num* 10. obiect. Bocharti diluit & nihil obstare ostendit, quin tuto asseratur ipsum Mosen per Bacchum indigitari, illumq; ab Ægyptiis, Phœnicibus, cæterisq; paganis, honore cultum divino. Imo non tantum *Bacebum*, verum etiam Ægyptiorum *Theut* vel *Tboyt*, *Osriden* vel *Serapiden*, *Apin*, *Anubin*, *Mnevin*, Phœnicum pariter *Taaatum* & *Adonidem*, item *Mercurium* & *Vulcanum*, qui omnes ferme cornuti pinguntur, aliosque variorum ethnorum DEos unum idemq; denotare numen, nempe saepius commemoratum Mosen, fama per totum orbem notissimum, atq; ab eo ejusq; monumentis universam propemodum Theologiam gentilium manasse, non vanis conjecturis, sed rationibus verisimilimis ille idem Huetius evincere conatur.

THEOREMA TERTIUM,

De

IDOLO MOLOCH.

Quamvis Theoremate primo evictum sit, paganos sapientiores,
qui-

qvibus e meliori luto finxit præcordia
Titan, continuata traditione & lumine
naturæ , ad aliqualem DEi cognitio-
nem pervenisse; non tamen existimán-
dum, gentes universas ad æqvalem no-
titiam pertigisse, illarum enim longe
maxima pars traditione primæva pau-
latim obliterata & excussa , etiam ple-
raq; existis ignorabat , qvæ viribus na-
turæ asseqvi potuisset, non qvæsi veritas
illi ob oculos non sit versata, sed qvia eam
sele offerentem non comprehenderit,
nam DEum in opere elucentem vi-
dit & clamoso silentio audivit dicen-
tem esse se conditorem & rectorem
universi, colique à nobis velle ac debe-
re : sed ad conspectum oculos clausit,
ad vocem obturavit aures , atq; opifi-
cium amplexata est pro opifice, cul-
tum creatori debitum creaturæ tribu-
endo. Coluit namq; non tantum u-
niversam naturam sed & ejusdem par-
tes, utpote solem, cæteraq; astra, ele-
menta & etiam defunctorum animas,
unde magna copia emergit DEorum
tam

tam naturalium, ut vocant, quam animalium. Proh qvanta dementia, miserorum mortalium invasit animos! triginta millia Deorum sub Ductore uno maximo Jove educebant Græci prisci; Eorum autem præcipuos in sua sacra vanitatis plena deduxerunt Romania apud qvos duplices erant; alii *Semidei*, *Semones*, *Indigetes*, *Minores* & *Minorum gentium*, dicebantur & habebantur; alii *Majorum gentium*, aut *Celestes* qvi & *Selecti*, ex qvibus duodecim *Consentes* reliqui vero *Oeto Populares* appellabantur. Inter numina vero antiquissima & in sacris decantatissima qvæ sibi finxerunt Deastrorum consarcinatores, fuit etiam Moloch idolum illud Ammoniticum, qvod quale fuerit non convenit inter viros doctissimos, nam non magis chamaeleon variat in colore, quam auctores in exponendo Moloch. Operæ premium igitur duximus impræsentiarum de eodem differere, non tam aliis futuri duces quam ostenturi, qvos seqvimur; qvod dum facimus se tabimur πλάνοις πρᾶσαι η πλανογίας. Ut

Ut autem omnis rei tractationem recte auspicamur a nomine, ita omnium primo obliervandum quod מלך Moloch qui & מלכם derivetur a מלך regnavit, rex fuit atque sic Moloch vi vocis significat Regem Imperatorem & Gubernatorem, quo respexerunt LXX qui in Lev. 18. Moloch αγχοτα vertunt.

Proporro imago seu effigies ejus lustranda venit, illam, Crellius resert fuisse statuam marmoream, Alii vero (e R. Sol.) eam describunt quod fuerit ærea intrinsecus excavata, habens faciem vituli, & manus expansas, instar hominis manus aperientis, ita ut aliquid ab alio recipiat. Hanc autem imaginem æneam septem constitisse conclavibus, quidam memorant, alii ad aram ipsius hoc referunt, alii ante illam ipsam tot facella exstructa fuisse affirmant.

Cultum Molochi quod attinet, verum est liberos ipsi oblatos fuisse quod patet e pluribus scripturæ locis, & præcipue ex intetdicto Lev. 20: 2. Qui
debet

dederit de seminse suo *Idolo Moloch* morte
 morietur. Dissentiunt vero eruditi u-
 trum infantes qui ipsi offerebantur, tan-
 tum per ignem fuerint traducti, an ve-
 ro cremati: Prius Aben-Ezrae placet,
 quod etiam innuere videntur verba
Deut. 18: 10. *Ne invenietur in te qui lu-*
stret filium aut filiam, ducens per ignem.
 Rab. Moses Maimonides, quem latine
 interpretatus est Dionysius Vossius
Cap. 6. num. 5. modum traductionis ita
 describit: *Accenso igne magno, partem ac-*
cipiebant Seminis, quam dein sacerdotibus igni
*servientibus eradebant. At sacerdotes ubi fili-
 um accepissent eum patri restituebant: quo ipse*
ex sententia eum per ignem eraduceret. Igitur
pater filium permisso Sacerdotum per ignem
agebat. Pedibus autem jubebat transi-
re, donec flamma quicquid erat emensus
foret. Addunt alii quod si pueri
quos per ignem ita raptabant, vel
vivi evaderent vel morerentur, paren-
tes nescio quam vel felicitatem vel in-
felicitatem sibi praedixisse. Posteri-
orem sententiam cum Mose Gerunde-
nensi

nensi & Isaaco Abravanel defendunt B.
Lutherus, Flacius, Drusius, Glassius,
Leusdenius & alii. Ast nihil impedit
qvin tuto asseratur utrumq; morem &
cremandi & traduced i obtinuisse, Phœ-
nices enim à qvibus sacrilega hæc sacra
provenisse convenit, in maximis peri-
culis liberos suos combusserunt, qvan-
do vero nulla iaderat calamitas publi-
ca, lustrarunt tanum id est inter duos
ignes ducebant pedibus nudis in hono-
rem DEI sui. Utrumq;ve etiam e Scrip-
ptura Sacra probari potest : nempe
februatio ē loco *Lev.* 18: v. 21. *Vivicom-*
burium, *Psal.* 106:37. *Ezecl.* 16: 21. &c 23:39.

Processum circa vivicomburium ad-
hibitum, qvi describunt, ad cellulas si-
ve conclavia supra memorata recur-
runt & in eum finem adornata asse-
runt ut pullum columbinum immo-
lare volens primum ingrederetur: o-
vem aut agnum, secundum: arietem,
tertium: vitulum, quartum: juven-
cum, quintum: bovem, sextum deniq;
filium aut filiam, septimum occuparet:
ante

ante quod, ex sententia eorum, stabat
 statua Molochi, quam osculari tenebatur
 iuxta illud Hos. 13: 2: *sacrificatores homi-*
nūm, visulum osculabantur. Deinde ante
 Molochum filius collocabatur, Molo-
 chus ipse igne supposito succendebatur
 donec æs ignesceret, tunc sacerdotes
 acceptum puerum aut in cavitate Mo-
 lochi includebant & ita cremabant, aut
 carentibus ejus manibus indebant,
 qui brachia per artificium contrahens,
 puerum amplectebatur & deinde ex-
 cußum in ignem devolvebat. Ne au-
 tem vagitus puerorum parentes flecte-
 ret, sacrificuli interea aures eorum tym-
 panorum strepitu obtundebant. Hinc est
 quod existimant Tophet locum suburbii
 Hierosolymæ ubi hæc sacra non sacra,
 ab Israelitis peragebantur dictum אֶת חֲפִים
 tympanis atq; חַטָּה significare
 tympanizationem. Bochartus vero To-
 phet dicit alludere ad nomen Typho-
 nis cuius peccatus fabulantur Jovem ful-
 mine percussisse & cum flagrare cœpisset
 eidem montem Etnam imposuisse
 qui

qui ex eo adhuc ardere dicitur, Typhonem autem deducit à græco τύφωνι qvod est urere. Nos tamen priorem vocis interpretationem amplectimur qvamvis utraqe huc quadrare videatur. Vocatus fuit idem locus quoq; ייְהוָה נִמְלָא vallis Hinnom à qvo in nefarii sceleris detestationem postea infernus נַהֲרָה i. e. γέενα nuncupatus est.

Succedit jam dispiciendum qvale numen erat Moloch: Inter eos qui diversis & adversis studiis in expositione hujus rei sese macerant, sunt quidam qui opinantur nomine Molochi omne genus Idolorum significari, alii vero unum peculiare solis Ammonitis familiare insinuari contendunt; sed neutrius assertioonis Patronos recte calculum ponere constans est eruditorum sententia. Qvin potius tale denotari qvod non minus ab aliis gentibus, qvam ipsis Ammonitis colebatur, in designando autem eodem non conveniunt, sed in diversas scinduntur opinones, quarum potiores hic recensere lubet.

Primo omnium offerunt se illi, qui per Moloch ignem intelligi auctuant, quippe igni honor divinus exhibitus a gentibus plurimis utpote Persis, Cappadocibus, Phrygibus, Aegyptiis, Græcis atque etiam Romanis, a quibus sub nomine Vestæ adoratus, ceu ininuit Ovidius 6. *Fast.*

Nec tu aliud Vestam quam vivam intellige flammam.

Imo Nimbrodum apud Chaldæos primū cultum ignis instituisse creditur & urbem Babyloniam Ur exinde nuncupatam, quod cives נָבָע seu ignem pro Deo venerati sint, quemadmodum fuisse hac de re differit Vossius *Lib. 2. de Idol. C. 64.* sed hæc sententia si quidem idoneis substituta est fulcimentis sua sponte corruit.

Secundo loco nominandi sunt illi, qui solem denotari existimant, cuius cultus antiquissimus, viguitque non tantum apud mortales profanos per universum orbem, verum etiam proh dolor! populum DEI quod liquet 2. Reg.

C. 23. v. ii. item Ezech. 8: 16. pro
qvo asserto tanquam aris & focis pu-
gnat Dionysius Vossius, qvi in notis ad
Maimonidem p. 78. exinde qvod Mo-
loch ratione nominis, Regem & maxi-
mum Deorum significat, solem esse
probare conatur, qvi princeps siderum
atq; supremus apud gentes omnes Deus
habitus: Unde canit Maro XI Æneid.

Summe D̄eum sancti eius nos Sororacis Apollo.
Contra Servium vero, qvi Jovem sum-
mum esse contendit e Macrobio probat
solem ab antiquissimis ethnicorum,,
Principem DEorum constitutum, nomi-
naq; Jovis, Saturni, Martis, Liberi, O-
siris, aliaque multa, solem indigitasse,
qua de re est etiam insignis Locus Statii
Lib. i. Theb.

---Seu te roseum Titana vocari
Gentis Achemenie ritu, seu prestat Osirim,
Frugiferum, seu Persei sub nubibus aniri
Indignata seqvi torquentem cornua Mithram.
Eandem, cum filio Dionysio, inflat
buccinam Gerardus Vossius, hoc sufful-

tus argumento, qvod Baal sive Bel,
 qvem eundem cum sole existimat, vi
 vocis significet Dominum, Moloch au-
 tem sive Melech idem: **cum nihil in-**
tersit, num sol dicatur vel Dominus
vel Rex hujus Universi. Sed Clarissi-
 mus Kippingius non solem sed Jovem
 nomine Beli venire posse demonstrat,
 vide sis *Antiquit.* *Rom. Lib. I. C. 6. n 4.*
 Ubi tamen notandum Deastrorum
 gentilium præcipuorum nomen gene-
 rale fuisse בָּאֵל *Dominus seu rerum potens,*
 ut apud Græcos Ζεύς & Latinos Jupiter
 unde in scriptura, plures בָּלִים seu Joves
 memorantur. בָּל vero Assyrii contra-
 ete dixerunt בָּל Phænices בָּל *Bal* at-
 que ea ratione etiam solem בָּל appellatum
 concendimus ac etiam à Syris
 Palmyrenis seu Phænicibus, *Aglibolum*
 & *Malacbelum*, qvorum posterius vi-
 detur conflatum à מלך & בָּל. Vid.
 Boch. *Cham. L. 2. C. 8.* & Vossius de
Idol. L. 2. C. 5. Huc pertinet illud Isi-
 odori: *Apud Assyrios Bel vocatur quodam*
iacrorum suorum ratione & Saturnus & Sol.

De

De cætero ex eo etiam hanc conjecturam firmare nititur Vossius, qvod in imagine Molochi sepm exstiterint conclavia pro numero Solis, Lunæ atq; planetarum, è qvibus prostremum erat Solis ut excellentissimi numinis, in qvo homines immolabantur & tanquam victimæ summæ, summo offerebantur Deo. Verum qvaincunq; speciose hæc omnia dicantur, nihil tamen solidi huic assertioni inesse, sed vacillare omnes adductas rationes, ὁφελοφανερῶς apparet.

Nunc ordine succedunt illi, qvi Moloch eundem faciunt cum Mercurio, utpote Arias Montanus qvi Moloch deducit אַנְלָמ nuncius fuit, qvia Mercurius Deorum nuncius statuitur, qvod sibi constare neqvit; est enim contra scriptiōnēm vocis & præterea de Orientis Theologia, non debet judicari ex Græca vel Romana.

Porro insinuat sese conjectura existimantium Molocho Priapum DEum illum αὐγοφύλακον & hortorum Tute-

larem indigitari, inter quos Fonsecā & Oleastrius eminent, eos autem penitus à vero aberrare in proposito est.

Dehinc nec desunt Molochū Venerem i. e. Luciferum esse asseverantes, unde vero eorum profluxerit error, indicat Vossius *De Idol. Gent. Lib. 2. C. 5.*

Sed hēm inveniuntur quocq; qvod præterire non possum, qui nomine Molochi Diabolum notari volunt: Verum quidem est non tantum Eudæmones sed & Cacodæmones, quos ipse Empedocles, ἡρακλεῖς δάιμονας vocaverat, olim Mosaicis temporibus in Palestina locisq; vicinis, atcq; à Platonicis quoque honore divino, cultos fuisse, in quorum μυσικὴ θυσία inhumaniter mactabatur, (horrendum dictu) infans materno exsctus utero, qvod hisce proditum à Lucano:

*Vulnere si ventris non quo natura vocabat,
Exrabitur partus calidis ponendus in aries.
Imo etiam suo tempore, apud Calecutenses in Oriente: apud Mexicanos in*

India

India occidentali : & gentem Tapujarum, quæ ἀνθρωπάγος consanguineos mortuos, exenteratos & assatos voravit, Dæmonolatriam obtinuisse, ostendit Vossius *De Theol. Gentil. Lib. I. C. 8.* Diabolum tamen sub nomine Molochi adoratum fuisse, nullo modo probari potest.

Nobis cum Clarissimo Kippingio, veritati maxime consentaneum videatur, Moloch Ammonitarum fuisse Saturnum Phœnicum, à quibus omnium gentilium religio deducta est, quod de Chamos, qui pari λαζόσιᾳ à vicinis Moabitis colebatur, seu patet 1. Reg. 3: 27. evincunt Hottingerus, Leusdenius, Pökkius, Hoffmannus, Pfeifferus & alii. Cui rei fidem facit quod è Diodoro Siculo & Plutarcho statua Saturni talis perhibetur fuisse qualis supra scripta Molochi. Atqe sic manifestum evadit, Israelitas prava quadam κακοζηλίᾳ imitatos fuisse non iudeosιαν ab Abrahamo tentatam, ut quibusdam videtur, sed πανίκαυσιν à Phœnicibus, ad

Ammonitas & Moabitas traductam.
Sed de Saturno restat ut dicamus.

Coluerunt Phœnices ab origine duo tantum numina, Solem & Lunam, atqui postea apud eos introducta est Η μλυθότης, qvæ progressu temporis, ita excrévit, ut plurimos agnoscerent & DEos naturales & animales, inter qvos fuit etiam Saturnus Cœli & Vestæ filius. Phœnicis ipsum fuisse vel nomen prodit, est enim ἦ τὸς latuit. Qvod vero Creticus & παιδὶς ὀκεανῷ τε καὶ ηθοῖς nuncupatur exinde est, qvod ab oriente per mare profectus Cretam adivit ducta in agros Insulæ ejus nova colonia, indevero (ut obiter dicam) à filio Jove, propter austeros mores expulsus, creditus est in Italiam (qvod tamen negat Vossius) migrasse atqve apud Janum latuisse, Jano autem mortuo, ei successisse primum qvæ agriculturam docuisse: Unde pars Italæ *Latium dicta* & apud Virg. lib. 2. *Georg. Saturnia tellus*. Vossius Lib. I. De Idol. c. 18. Saturnum Adamum statuit. Bochartus autem initio Phaleg ne dubitari

qvidem posse affirmat, qvin Saturnus
sit Noach qvod 14. firmat argumentis
Qvicqvid sit Phœnicium interim qvem
nos venamur Saturnum, *Ilum* qvoꝝ
dictum fuisse, colligitur ē Sanchoniatone,
antiquissimo Phœnicum Scriptore,
cujus interpretem egit Philo Byblius,
historiamque ejus græce reddidit.
Versionis autem insigne fragmentum
reservavit Eusebius in quo legitur: pri-
mum Cœli filium fuisse Ἰλον τὸν καὶ Κρό-
νον. Et postea: ὁ δὲ σύμμαχος τῷ κρόνῳ
ἔλωέν με πεκλήθησεν, οὐδὲ κρέμοι. *Com-*
militones ἦν *Il* id est *Saturni* מְלֹא
dicebantur quasi *Saturnios* dixeris. *Il*
autem phœnicia dialecto est idem
ac *El* Hebraicè. Hic Ἰλ seu Sa-
turnus, hostium vicinorum armis op-
pressus, filium suum unicum regia sto-
la indutum, in holocaustum Diis obtu-
lit, Abrahamum forte imitaturus, Iaa-
cum immolare paratum. Ob quam
causam tum etiam propterea, qvod ē
Sanchoniatone tradit Philo Byblius, i-
psum circumcidisse virilia, & Commi-

litones ut idem præstarent omnes ad-
egisse, à qvibusdam pro uno eodemq;
cum Abrahamo habetur, qvibus obsta-
re videtur, qvod minus credibile sit,
Phœnices pro **DEO** coluisse Abraha-
mum, parentem Israelitarum gentis
vicinæ maxime exosæ. Ex hoc terali
sacrificio ortum est, qvod **Saturnus** fili-
os suos comedisse dicatur : qvamvis
sint qui existiment proptera factum,,
qvod græce appellatus fit *κρόνος* sive
χρόνος habitusq; temporis **DEus**: tem-
pus vero omnia consumit juxta illud
Ovidii :

Tempus edax rerum, euq; invidiosa destruens,
Omnia destrutis vitiatisq; dentibus evi,
Paulatim lenta consumitis omnia morte.

Post mortem autem hic **Saturnus** inter
DEos relatus, & propter tyrannidem
qvam exercuerat astro cognomini, ho-
minibus infesto, consecratus est, cui
Phœnices, imminentibus periculis, li-
beros suos ad averruncandum malum
per vivi comburium immolareverunt: uti
nos

nos docent verba Porphyrii Lib. 2. de abst. anim. qvæ Latine reddita ita sonant: Phœnices magnis in cladibus, vel bellorum vel æstus, vel pestilencie sacrificabant carissimorum quæmpiam Saturno, communibus ad hoc suffragiis addictum. Porphyrio suffragantur Sophocles, Herodotus & Lactantius teste Kippingio. Qvin & Phœnices ob hanc immanitatem à φόνῳ qvod occidere notat di-
ctos, qvidam autumant, sed falso, nam Bochartus opinionibus aliorum reje-
ctis, Phœnicum nomen, pro summo in-
genii acumine, observat & probat de-
duci à vocabulo Chananeo, כָּנָעַן vel
contracte פְּנֵי, & deinde ad typum
Græcæ lingvæ efficto Βίρακες, Φέρακες,
Φένικες & inde φόνικες, quo titulo tan-
qvam splendidiori, salutari maluerunt
Phœnices, postqvam odiosum ipsis cæ-
pit esse nomen Chananei propter ana-
therna in patrem eorum Chanaan
contortum Gen. 9: 25. De Tyriis, Phœ-
nicum clarissimis, digna sunt verba

Cur-

Curtii quæ hic legantur : Tyrii Sacrum
 quod egidem Diis minime cordi esse credi-
 derim, muleis seculis intermissum repetere co-
 gitabant, ut puer ingenuus Saturno immola-
 retur, quod sacrilegium verius quam Sa-
 crum Carthaginenses à conditoribus tradi-
 sum, usq; ad excidium urbis sue fecisse di-
 cuntrur, ac nisi Seniores obstitissent, q;orum
 consilio agebantur cuncta, humanitatem dira
 supersticio vicisset, Lib. 4. hist. Cretenses
 quoque qui Phœnicum erant coloniæ,
 τὸν Κρόνον ἐν ταῖς πεκτοφαίνουσι ἐθρησκευον,
 teste Athenagora. De Carthaginensi-
 bus qvos Tyrii Condiderunt, Justinus
 Lib. 18. hist. narrat: Cum inter cetera ma-
 la etiam peste laborarent cruenta Sacrorum
 religione & scelere pro remedio usi sunt.
 Quippe homines ut victimas immolabant
 & impuberes, (quaæ etas etiam hostium mi-
 sericordiam provocat) aris admodubane, pa-
 cem Deorum eorum sanguine poscentes, pro
 q;orum vita rogari maxime Dii solent.
 Quam crudelitatem, Imilce cum filius
 ejus inactandus esset, largis fletibus, a-
 pud

pud Silium in calce libri quarti Punicorum ita deplorat:

*Quæ porro hæc pietas, delubra aspergere tabo?
Heu prima scelerum cause mortalibus agris,
Naturam nescire D^eum: justa ite precari
Thure pio: cædisq_a feris avertite ritus:
Mite & cognatū est homini D^eus, bactenus oro
Sit satis, ante aras cæsos vidisse juvencos.
Aut si velle nefas superos, fixumq_a sedetq_a
Me me que genui, vestris absumite votis,
Cur spoliare jubat Libycas hac inde terras?*

Ultimo Coronidis loco, observamus
ἀρχεων θυσίαν a Phœnicibus & vicinis
eorum coloniisque cæptam, Græciam,
Africam, Europam & pene totum ter-
rarum orbem pervagatam fuisse. De
Gallis ut alios taceam Julius Cæsar
gravissimus testis, in 6. de bello Gallico:
Natio est Gallorum omnium admodum,
dedita religionibus, atque ob eam causam,
qui sunt affecti gravioribus morbis, quique
in præliis periculisque versantur, aut pro
victimis homines immolant, aut se immo-
latu-

tatuos vobent, administrisque ad ea sacrificia Druidibus utuntur, quod pro vita hominis, nisi vita hominis reddatur, non posse Deorum immortalium numen placari arbitrantur. De Romanis scribit Gyraldus, praeter alios, Synt. 17. Hist. Deorum. Piget referre, quanto in errore & quam tetra caligine versata fuerit vitator ille gentium populus & totius dominatrix orbis omni superstitioni obnoxius donec Cr. Cornelio Lentulo P. Licinio, Crasso Coss. S.C. cautum fuit ne novam inducere religionem, neve hominem immolare aut humano sanguine litore liceret. Vid. Plinius lib. 30: c. 1. Sed quid multis moror? cum constet antiquos quoque Svecos & Gothos, inhumaniter humanis victimis Diis suis quondam Upsaliæ litasse; ubi Fro (qui postea inter Deos minores relatus) hæc sacra maxime detestanda primum instituisse docet Saxo. Præcipue vero humani generis hostiis colebatur Ominus seu Othinus, qui Mars ipsis erat, cui tempore belli captivos initio captos veluti

veluti primitias bellorum immolabant.
Extra belli tempus etiam aliis Diis, sed
raro & summa urgente necessitate, ho-
mines & quidem non tantum servi sed
& præstantissimi viri communi suffra-
gio electi, imo Reges ipsi, cum peccasse
adversus Deos & sic famem, bella, vel
aliud incommodum induxisse vide-
bantur, in holocaustum offerebantur.
Ritus erat talis: cum venisset tempus
sacrificii, illi qui omnium consensu vi-
ctimæ pronunciati essent, una cum aliis
animalibus jugulabantur, post jugulati-
onem statim sangvis vase peculiari ad
id consecro, Lauribolla dicto, excipieba-
tur, quo utebantur loco aquæ lustralis,
apud alias gentes usitatæ, eoq; partim
sacrificatores, partim adstantes, partim
Idolum ipsum aspergebant; postea ca-
davera jugulatorum in fonte famoso-
juxta priscum templum paganum
Blottfelba dicto, lavabantur, lota autem
& purgata, in proximo luco sacro su-
spendebantur & tandem aris imposita
cre;

32

cremabantur. sacrificio vero peracto,
convivia sacra, Offergiue ipsis nuncu-
pata, magna cum solennitate, ab omni-
bus concelebrabantur. Vid. Loccen.

Antiq. Sueo Gotb. Lib. I. C.3. Et Scheffer.

Upsal. Antiq. C.10.

SOLI DEO GLORIA !!!

